

Segundo Relatoriu Fulan Tolu nian ba Fundu Petroleu

Comunikasaun ba Media

Ohin, Autoridade bankaria no Pagamentu Timor Leste fo sai ba dala rua relatoriu fulan tolu nian hosi Fundu Petrolu TL, nebe hatudu numeru asset mak gere iha loron ikus fulan Dezembru ho montante \$370 milaun bainhira kompara ho loron ikus Setembru 05 nebe mak demonstra \$247 milaun.

Relatoriu ne hatudu mos katak durante durante fulan tolu ne'e, osan sira nebe kompania sira selu direktamente ba Fundu hamutuk US\$ 120.6 milaun, nebe tama liu hosi konta BPA nian hamutuk iha Federal Reserve Bank, Estados Unidus iha Nova Iorque.

Anuncia komunikadu husi relatoriu ne'e Diretor Geral Sr. Abraão de Vasconcelos, temi katak fundu ne'e manan ona funan/lukru liu US\$3.1 millaun durante fulan tolu ne'e. Osan funan hirak nee investe fila fali iha Fundu nia laran.

Lei kona ba Fundu Petroleu nian dehan lolos katak BPA, hanesan Banku Sentral Timor Leste nian, sai agente nebe responsabeliza ba gestaun operasional Fundu nian. Impostu hotu-hotu ho *royalties* ne be mak mai husi riku soi petroleu nasaun nia no mos aktividade relasionada sira seluk ezigi atu deposita iha ABP nia conta iha Federal Reserve Bank, Estados Unidus. Ida nee hanesan mos egigencia ida ba transparensia nebe dehan katak reseitas petroleu nian lalika liu hosi Reseita Konsolidada, maibe sei tama direktamente ba Fundu.

Ministra Planu no Finansas, hetan tulun husi Komite Konsultativu ba Investimentu nian, mak iha knar atu hatur strategia investimentu hotu-hotu ba Fundu. Tuir mandatu, iha periudu inisial, investimentu sei halo iha titulos (obligasi) ida ke garantidu husi governu amerikanu nian. Atu klaru liu tan sei hare Akordo Gestaun nebe asina tiha ona husi Ministra ho BPA iha 12 Outubru 2005.

Bainhira revé Fundu ne'e, Sr. Vasconcelos hatutan katak, ABP hetan retorno too deit 4 pontus baze (4 porsentu) ida nebe hatudu komintmentu ABP atu gere Fundu nee tuir mandato nebe fo ba BPA. Retorno tomak husi Fundu iha fulan tolu ne'e hamutuk 0.66%.

Hanesan mos index finanseiru barbarak, index asoens (*saham*), Titulo ninia index seleciona hanesan referensia ba Fundu Petroleu nebe lorloron tun sae tuir merkadu ninia hahalok. Fluktuasaun hirak nee, realmente laos preokupasaun bot ida ba Timor Leste,

tamba ABP hakarak husik nafatin osan nee iha investimentu too tempu molok selu fali, hodi nunee bele rekupera fali capital nia valor iha titulu no mos juros nebee mak manan durante investimentu ninian vida.

Iha segundu relatorio fulan tolu nian ne'e, nebe mak cobre periodu 1 Outubru too 31 Dezenbru 2005 inclui;

- Loke conta ho \$147 millaun.
- Reseitas husi empresas sira durante fulan tolu nee hamutuk \$120.5 millaun.
- Portofolio investimentu too loron ikus Dezembru nian ho valor hamutuk \$368 millaun.
- Rendimentu husi osan funan hamutuk \$3,703,000 nebe mak Fundu hetan iha periodu ida nee.
- Taka konta ho saldu \$370.2 millaun.

Relatoriu fulan tolu nee nian, ho Lei Fundu Petroleu no mos Akordu Gestaun, bele hetan iha situs portal BPA hanesan www.bancocentral.tl no bele husi situs portal transparente Petroleu Timor-Leste nian www.transparency.gov.tl

Karik presiza tan informasaun ruma bele kontaktu:

Maria José Sarmiento,
Diretora Ezeutivu Interina,
Autoridade Bankaria no Pagamentu Timor-Leste nian.

Email: maria.sarmiento@bancocentral.tl
mjjsarmiento@yahoo.com

Telephone: +(670) 7230974

Fim

6 Fevereiru 2006